


BAB V  
PENUSUP



## BAB V

### PENUTUP

#### 5.1 Kesimpulan.

Dari huraian dan tafsiran ayat-ayat al-Qur'an yang telah dipaparkan, penulis dapat membuat beberapa kesimpulan seperti berikut:

1. Sikap manusia yang menerima al-Qur'an sebagai petunjuk menjadikan mereka golongan yang beriman dan bertaqwa, manakala mereka yang menolaknya pula ialah golongan kafir dan munafiq.
2. Orang-orang mu'min yang mengikuti petunjuk al-Qur'an akan beriman kepada yang ghaib, mendirikan shalat, menafkahkan sebahagian harta mereka kepada orang-orang yang berhak menerimanya, beriman kepada al-Qur'an dan kitab-kitab yang telah diturunkan terdahulu daripadanya.
3. Orang-orang yang mempunyai sifat-sifat yang tersebut di atas dianggap sebagai orang-orang yang mendapat petunjuk dari Allah s.w.t. dan merekalah orang yang beruntung.
4. Orang-orang kafir tidak dapat mengambil apa-apa faedah dari peringatan yang disampaikan kepada mereka kerana hati, pendengaran dan penglihatan mereka telah dikunci, oleh itu hilanglah persediaan untuk mendapat hidayah.
5. Orang-orang munafiq, ialah mereka yang mengaku beriman dengan

lidah secara lahiriah, tetapi hati mereka tidak beriman, mereka cuba menipu Allah s.w.t. dan orang-orang beriman tetapi sebenarnya mereka menipu diri mereka sendiri sedangkan mereka tidak sadar.

6. Hati orang-orang munafiq dipenuhi dengan berbagai-bagai penyakit yang mendorong mereka membuat kerusakan di muka bumi.
7. Orang-orang munafiq tidak mengaku melakukan kerusakan bahkan mereka menganggap mereka melakukan kebaikan.
8. Orang-orang munafiq menganggap orang-orang beriman sebagai orang-orang yang bodoh, sebenarnya merekalah orang-orang yang bodoh tetapi mereka tidak tahu.
9. Mereka pura-pura mengaku beriman bila berjumpa orang-orang beriman, bila kembali bersama pemimpin-pemimpin mereka, mereka mengatakan mereka berrata golongan tersebut.
10. Mereka disifatkan sebagai orang yang membeli kesehatan dengan petunjuk, oleh itu pemiagaan mereka tidak mendapat keuntungan.
11. Orang-orang munafiq disifatkan sebagai tuli, bisu dan buta sekalipun pancaindera mereka sihat kerana tidak ada persediaan mereka untuk menerima kebenaran.

## 5.2 Saranan-Saranan.

1. Setiap individu muslim wajib mempelajari, menyakini dan hendaklah menjadikan al-Qur'an sumber petunjuk dalam kehidupan mereka.
2. Mereka hendaklah tahu tentang ciri-ciri orang beriman supaya dapat mencontohinya.
3. Dakwah Islam wajib disampaikan kepada orang-orang yang bukan Islam walaupun mereka enggan menerimanya.
4. Orang-orang mu'min hendaklah mengamalkan ajaran Islam secara menyeluruh meliputi amalan lahir dan batin untuk merbezekan mereka dari golongan kafir dan munafiq.
5. Orang-orang beriman hendaklah mengauhi perbuatan maksiat supaya hati mereka tidak kotor dan tertutup.
6. Orang-orang mu'min hendaklah tahu sifat-sifat orang-orang kafir dan munafiq supaya mereka dapat menjauhkan dari perkara-perkara yang membatalkan keimanan.
7. Orang-orang beriman hendaklah waspada dan berhati-hati terhadap orang-orang kafir dan munafiq kerana mereka senentiasa memusuhi Islam dengan berbagai cara dan boleh didapati pada sebarang masa dan tempat.